



Bosna i Hercegovina
Босна и Херцеговина

Agencija za
identifikacione/identifikacijske
dokumente/isprave, evidenciju i razmjenu
podataka Bosne i Hercegovine



Агенција за
идентификациона документа,
евиденцију и размјену
података Босне и Херцеговине

Broj: 15-03-16-5-36-40/24

Datum: 8.8.2024. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke **usluga korišćenja mobilne telefonije**, objavljen na *web* Portalu javnih nabavki Bosne i Hercegovine, Obavještenje o nabavci, broj 1110-1-2-46-3-68/24 od 24.6.2024. godine, i Ispravka za Obavještenje o nabavci, broj 1110-1-2-46-8-76/24 od 30.7.2024. godine, a koji je proveden otvorenim postupkom, je **Mtel a.d. Banja Luka**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom njene objave na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Nakon provedenih aktivnosti, Komisija za provođenje postupka javne nabavke usluga korišćenja mobilne telefonije je konstatovala da su do roka za prijem ponuda, dana 2.8.2024. godine do 10:00 sati, na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), pristigle dvije (2) ponude i to: Mtel-a a.d. Banjaluka i BH Telecom-a d.d. Sarajevo. Neblagovremenih ponuda nije bilo.

Komisija je prema specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-36-38/24 od 6.8.2024. godine, u kojem su detaljno obrazloženi razlozi za izbor najpovoljnijeg ponuđača.

U skladu sa navedenim zapisnički je utvrđeno da ponude oba ponuđača ispunjavaju sve zahtjeve u pogledu opisa predmeta nabavke, uslova za kvalifikaciju i tehničkih specifikacija, odnosno da su obje ponude kvalifikovane i prihvatljive u pogledu dokaza koje dostavljaju ponuđači, a dokumenti su dostavljeni na propisani način kako je to definisano tenderskom dokumentacijom.



Analizom i upoređivanjem ponuda, primjenom kriterijuma ekonomski najpovoljnija ponuda, Komisija je utvrdila da je najpovoljnija ponuda ponuđača „Mtel“ a.d. Banjaluka sa ukupnom cijenom ponude sa popustom i PDV-om na dvogodišnjem nivou u iznosu od **29.784,00 KM bez PDV-a, odnosno od 34.847,28 KM sa PDV-om**, (gdje je cijena mjesečne pretplate bez PDV-a i sa popustom za članove Grupe 1 - 16,00 KM, a za članove Grupe 2 - 65,00 KM, te je 5.000 besplatnih minuta razgovora za svakog od korisnika Grupe 1 i 10.000 besplatnih minuta razgovora za svakog od korisnika Grupe 2 prema svim mobilnim i fiksnim mrežama u BiH na mjesečnom nivou, kao i 5 GB besplatne količine „brzog“ mobilnog interneta za svakog od korisnika Grupe 1 i 100 GB besplatne količine „brzog“ mobilnog interneta za svakog od korisnika Grupe 2 na mjesečnom nivou.

S obzirom da navedena ponuda u ekonomskom i tehničkom smislu u potpunosti zadovoljava zahtjeve Agencije data je preporuka da se donese odluka o izboru ovog ponuđača za najpovoljnijeg.

Na osnovu prijedloga Komisije odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a koje se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje, u roku od deset dana od dana prijema ove odluke, Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Almir Badnjević

Signed by: Almir Badnjević
Elektronički potpis / digitalno potpisano / digitally signed